

671.1231
084
19

人物志
行藝下

節
孝

貞
烈

賢
懿

景縣新誌
玖集

景縣志卷之九

人物志

行藝下

節孝 貞烈 賢懿

節孝

明

張雲乾生員妻趙氏年二十餘夫亡無嗣誓不更適孀居四十餘年清操如一卒年七十一歲

高啟廩膳生妻趙氏清和鄉人適啟八年啟卒遺一子美五歲家甚貧躬任紡織以教子歷五十年子美領歲薦遊太學官常德府經歷孫守愚庠生

李桂妻姚氏年十六歲生子百日夫亡守節四十餘年州守馬進階翟濤旌其門姚抱疾撫子守全備嘗艱苦至六十歲而亡守全孝養亦至母歿後奉神主於寢室供奉孺慕一如事生

段縞妻張氏常樂鄉人年十七而夫亡守節三十餘年而卒高依仁生員妻張氏依仁歿氏年十七子配乾甫週歲舅姑父母皆憐其少欲嫁之氏曰今日苟存者爲此孤兒也義不可奪撫其子教之成立壽八十二

馬任政妻楊氏清和鄉人旣笄適政壁立食貧孝事翁姑政故時氏方二十四歲矢志苦守及姑病翦髮易藥姑歿殯

葬不敢失禮歷五十餘年壽七十四子萬里增廣生孫龍
圖曾孫良驥皆庠生

王高妻薛氏夫亡氏年三十有三兩子二女俱幼後姑逼令
改嫁百計折磨氏誓死姑怒逐氏子母於外衣食無資備
歷艱苦終不易節壽八十終

司焜妻陳氏里廂屯人年十五適焜三載夫亡遺孤一歲矢
志守節歷三十九年子時泰入州庠

陳振希妻石氏常樂鄉人夫亡氏廿四歲一子僅八月歲大
凶人相食父母勸其改嫁石曰吾去子必死若子母同死
願也伯氏重其節嘗賙給焉子景權成立氏壽至六十九

張脫常生員繼妻馬氏年十七于歸越四載脫常卒無子前
婦子九歲戚黨勸其改適馬泣且誓曰前子卽吾子矢死
靡他年六十餘卒

張際可妻趙氏歸二載夫亡氏年十六孤子興生甫六月自
誓不出中庭歷五十三年始終如一

崔謙妻孫氏崇信屯人歸謙未三載謙亡無子守節孝事舅
姑年六十餘歲

范省妻張氏省身亡氏年十九立志守節子仲韓在襁褓家
甚貧氏竭力紡績養老撫孤及仲韓入武庠早卒復守幼
孫備嘗艱苦年七十餘

張穎生員妻車氏穎少有才名亡時氏年二十一性端嚴寡言笑家貧子幼戚屬諷其他適氏不可晝夜紡績以餬口善事舅姑里黨稱之年踰六十

蘇永年生員妻崔氏年二十夫亡子公式尙幼庶出子公愼公遜皆襁褓氏愛逾已出教子以嚴治家以儉歷三十年如一日公式庠生

李守良妻孫氏清和鄉人守良亡氏年二十六二子俱幼舅春秋高氏極盡婦道長子旣娶復亡遺孤三月氏又撫養之苦節四十餘年壽七十九

李宗舜妻王氏清和鄉人年二十八而寡家甚貧翁老在堂

子弱在抱氏紡績以爲養年凶粟貴常累日不能舉火宗舜弟宗周時賙給之子國禎等成立氏年七十八歲

倪毓德妻蘇氏年十六歲適倪越三載倪亡於兵子女俱無舅姑欲嫁之遂矢死舅歿奉姑愈謹同里進士張恂爲作苦節吟、

高雲臺妻蘇氏年二十八而雲臺亡遺一女撫之及笄贅婿高三樂三載三樂亦亡生一子開泰方週歲母女共矢苦節後開泰成立蘇卒年已七十八高亦守節四十年壽五十七終

趙維緒妻蘇氏緒歿於兵氏二十九歲子幼艱苦萬狀守志

三十餘年清操如一日

焦一舉生員妻高氏適舉十年夫亡時高二十七歲子世榮六歲苦守四十餘年

蘇繼宗繼妻景氏二十八歲繼宗亡遺前室子旭十歲景視旭如己出苦守四十餘年

王炳然中書舍人妻裴氏翁姑雙瞽氏焚香禱神復明人咸謂孝感夫死京邸無子氏撫柩痛哭步行至家苦志守節奉旨旌表

張松生員繼妻李氏年二十三夫亡至四十四歲卒松寡兄弟氏撫一子成頴週歲閨門肅然有若嚴君

張萬鍾生員妻徐氏鍾亡氏年二十九遺孤培眞方三歲守節訓孤子舉孝廉孫衡鎰俱登科壽五十八歲

張克紹生員妻蘇氏夫亡家甚貧氏年二十餘歲守一子漸苦節四十餘年

劉三畏繼妻于氏三十而寡遺孤二長勸九歲次勃六歲條理家政訓誨二子苦節三十七年

張燾生員妻趙氏燾九經孫也崇禎九年燾被害氏年二十四苦節四十八年

聶爾進妻乜氏孀居時一子夫才三歲後爲夫才娶妻韓氏生之柱一歲而夫才復亡也與韓同守一孤歷四十餘年

之柱成立姑媳以壽終鄉里稱爲一門雙節

李運開妻劉氏年十八生一子夫亡誓死靡他母與姑憐其
年幼勸令改適劉懼投繯已死救之蘇其姑與母因不復
言氏躬任紡織苦節四十餘載遠近稱之

趙遵譜生員妻曹氏二十二歲遵譜死曹奉姑色養備至撫
有家法守節三十年卒

趙基生員妻宋氏崇禎壬午基抗節死氏抱二歲孤尋夫骸
於兵燹中扶櫬歸葬聞者悲傷苦志四十餘年喬松白石
不能比其高潔也子鑑考秩二尹長孫瀟

張演生員妻施氏名妙蓮演亡時氏年三十子松止四齡氏

奉姑姜氏至孝扶持不離左右以族姓孤單昂其子好善
廣施迨姑歿哀毀成疾終至不起姑年八十餘氏六十三
歲至今相傳爲眞婆媳云

張驥生員妻封氏二十八歲夫亡矢志撫孤家貧紡織以給
卒年八十二歲

張垣妻李氏順政鄉人年三十二夫亡無子惟撫一女事舅
姑盡孝舅歿守喪尤謹閨門出入跣步不苟每令童僕輒
垂簾罕有見其面者孀居逾三十載

清

張羽昊監生妻李氏二十三歲夫亡無子與孀姑劉居擇從

子從文爲後守節六十餘年雍正三年奉旨旌表

孫自立妻梁氏小留屯人夫亡氏苦節四十餘年孝事舅故
康熙三十年歲饑出粟散給鄉黨次子恪庠生仲孫維哲
乾隆丙辰進士今任甘肅渭源令曾孫錫田辛酉拔貢壽
八十三無疾而終

劉有慶生員妻張氏年三十一夫亡子建甫八月家貧如洗
苦志守節四十餘載

范景陶前州別駕妻杜氏景陶卒於任杜時三十一歲子武
華太學生方九歲二女俱幼貧不能殮州紳士憐而助之
買地葬於城之東杜乃結廬墓旁紡績自給孤苦備嘗武

華子廷均入景州籍雍正壬子領順天鄉薦杜年七十七卒

劉揆劉家野林莊人妻王氏于歸數月夫亡母家欲奪其志氏以柏舟自矢之死不渝撫嗣子守義五十餘年冰堅雪潔子授室後孫曾繼起家業豐盛爲野林莊劉氏五大院之一事在雍正年舊志未載今補

張羽靜監生妻羅氏二十三歲夫亡遺孤念祖甫三歲事孀姑呂氏撫孤子成立守節三十餘年乾隆元年奉旨旌表封運隆繼妻李氏夫卒李惟生一女苦志守節前妻子璣亦亡與其繼婦任氏撫孤孫元解等三十餘年乾隆二年同

任氏並奉旨旌表

運隆寄籍德州

李孔蔣生員妻朱氏十九而寡一子廷亮在襁褓撫之成立
任衡州通判康熙二十三年覃恩受封安人乾隆四年奉
旨旌表

唐家珍生員妻司氏二十二歲夫亡持家嚴肅孀姑夏氏糟
糠自茹訓遺孤岱壽享七十六乾隆七年奉旨旌表

吳舒妻張氏十五歲歸舒十九而寡子可傳在襁褓中矢志
自守繼姑龐氏病焚香告天願以身代守節四十八載乾
隆八年奉旨旌表

馮正起生員繼妻王氏年十六于歸二十六正起病故撫子

有翼矢志守節孝養孀姑和睦妯娌鄉黨無間言至八十
二而卒曾孫晉錫乾隆甲子薦京兆

陳鼎妻吳氏年十九歲適鼎二十九歲而寡叔氏凌逼改嫁
氏指天自誓撫兩子苦節五十一年年八十無疾而終知
州周鉞旌其門曰操凜清霜

張愉生員妻王氏廿九歲夫亡依孀姑封氏共勵清操年八
十四卒

張隆生員妻劉氏二十八歲夫亡無子守節年五十三歲卒
霍國鼎妻白氏年十九歸霍月餘國鼎亡哀痛屢絕以腹懷
孕忍待嗣生子秀仙刻苦教育早歲遊庠現在子姓蕃衍

氏年七十七卒歷節五十八載

張國楷生員妻劉氏二十四歲夫亡嗣子羽昊尙幼拮据撫育比長授室李氏羽昊尋卒苦節四十餘年七十一歲卒張坊眞妾屈氏坊眞中歲嫡妻始舉一子鑑八歲坊眞夫婦偕亡屈氏年二十六殯葬盡禮撫嫡子鑑成立爲娶妻高氏閱七年而鑑亡高方二十三歲無子女亦無應繼之人事屈氏同心守節歷三十餘年屈氏卒於康熙四十二年五十有七高氏卒於康熙六十一年年六十有一兩氏身歿已久族黨重其節孝至今不忍壞其室廬比鄰張旺繼妻葛氏十七而寡奇貧以屈高自勵苦節五十年今六

十八歲嗣子珍

劉勃生員繼妻王氏十五而嫁又十五而孀委家政於前妻子族子輩罕見其面督學使者今大學士海寧陳公旌其門曰貞松姬美雍正丁未三月卒年七十有七

張神武生員城東大張新莊人也妻張氏二十六歲夫亡守節三十年有一子一女其伯氏一女方週失恃氏並撫之愛如己出康熙四十六年卒

薛洪妻白氏年二十八夫亡越七月而遺腹子邦文生事舅及繼姑以孝養著至康熙四十七年閏三月卒苦節二十八年